

Tāiki E!

Tāngaiti 3
Haratua 2020

He Hikotū
He Kōrero
He Mahi Ngahau

He Pāwhatiwhati
He Meka Miharo
Ngā Hau E 4



Pūtaiao Hārakiraki

He hikotū

Kua panaia e koe he tōneke i te hokomaha? Kua peke koe ki runga i te papa pekepeke? Kua heke koe i te retireti? Tērā pea, kua rangona e koe te iahiko e kīia nei ko te hikotū!


HE AHA TE HIKOTŪ?

Ko te hikotū he tūmomo hiko e puta mai ana i te mata o tētahi mea. Mēnā kua nui haere te whana hiko i te mata o tētahi mea, ka puta ko te hikotū. I tapaina ai ko te “hikotū” nā te mea, ka tū taua momo hiko i taua wāhi tonu, kāore te hiko e neke atu.

I ētahi wā ka tau atu te hikotū ki te tinana o te tangata. Mēnā he hikotū kei runga i a koe, ā, ka pā atu koe ki tētahi mea, anana! Ka wewete te hikotū i a koe me te pahū hoki e rangona ai ā-kiri, ā-taringa anō hoki.

HEI MAHI MĀU ANŌ E PUTA MAI AI TE HIKOTŪ


TAPUTAPU



He tāora pepa



He weru wūru



He poihaus

HEI MAHI

1. Whakakīia tō poihaus ki te hau – kia kaha tonu te pupuh!
2. Herea kia kore te hau e puta.
3. Tihaea te tāora pepa kia iti noa iho ngā wāhangā.
4. Horahia ngā wāhangā tāora pepa ki te papa.
5. Mirimiria te poihaus ki te weru wūru. Anana, hikotū ana!
6. Hīkina ngā wāhangā aikiha ki te poihaus – ka piri ngā wāhangā tāora pepa ki te hikotū e mau ana ki te mata o te poihaus!
Tau kē!



He Kōrero

Te tinana: he toto mahana, he toto mātao

E hia kē nei ngā momo kararehe rerekē o te ao! He toto mahana tō ētahi, he toto mātao tō ētahi atu. He aha ngā rerekētanga?



He toto mātao:

Ko ngā kararehe toto mātao – kei te āhua o te huarere te mahamatanga o roto. Mēnā he makariri te wāhi e noho ai rātou, he makariri ū rātou tinana, mēnā he mahana te wāhi, he mahana hoki te tinana.

He aha ngā painga o te toto mātao?

Mēnā he kararehe toto mahana koe, me nui rawa tō pūngao hei whakamahana i tō tinana – kia whai pūngao ai, me nui tōu tinana, kia nui ai te tinana, me nui hoki āu kai. I ētahi wāhi, me uaua ka kitea ngā kararehe nui he iti noa iho nō ngā kai o taua wāhi. Engari mō te kararehe toto mātao, he pai noa mēnā he iti te tinana, nā te mea, he iti iho te pūngao e hiahiatia ana. Nā konei e kitea ai ngā kararehe toto mātao pakupaku rawa pērā i te popokorua.

**I mōhio rānei koe?
I te tau 2015 i rokohanga te
momo ika tuatahi he toto
mahana tōna: ko te ‘Opah’.**

He aha ngā painga o te toto mahana?

E taea ana e ēnei momo kararehe te
noho i ngā wāhi tino makariri. Kitea ai
ngā kararehe toto mahana i ngā wāhi
katoa o te ao, ahakoa he maunga, he awa,
he koraha, he pātītī, he aha kē atu rānei!

He toto mahana:

Ko ngā kararehe toto mahana
– he ūrite te mahamatanga o
te tinana ahakoa te āhua o te
wāhi e noho ai rātou. Ahakoa
makariri, ahakoa mahana ka
pērā tonu te āhua o te tinana.



KO ĒHEA MOMO KARAREHE HE TOTO MAHANA? KO ĒHEA HE TOTO MĀTAO?

He toto mahana

He ngote ū
He manu
Kotahi te momo ika
hoki: ko te ‘Opah’

He toto mātao

He ika
He moko
He ngārara
He pūngāwerewere
He ika oneone

He Mahi Ngahau

Pūtaiao Hārakiraki



Kimihia ngā tohu nei:






Tirohia te whārangi 12 mō ngā whakautu.

Pāwhatiwhati

Ehoa mā, kimihiā te aratika!



Tirohia te whārangi 12
mō ngā whakautu.

Meka Mīharo

E whai ake nei e waru ngā meka mīharo mō te pūtaiao!



- 1.** Ka mau ngā huakita ki te hūpē me ngā huruhuru o tō ihu i te wā e hēhē ana koe. Kei tō hūpē ētahi matū patu ngārara, ā, ko tā rātou mahi he whakamate i ngā ngārara kia kore ai koe e māuiui.
- 2.** Ko te roanga o tētahi io makawe roa rawa atu i te ao ko te 5 mita.
- 3.** E 206 te katoa o ngā kōiwi o te tangata kua pakeke, e 350 te katoa o ngā kōiwi o te pēpē.
- 4.** I ia marama, ka puta mai e 42 rita o te ware (hāware rānei) mai i te tangata kotahi.
- 5.** Ko tētahi inenga kōiwi (pērā i te pouaka mati te rahi) he kaha rawa ake i te raima.
- 6.** Tekau mā tahi ngā uaua e mahi ana ki te pāpōuri tō kanohi, 12 ki te menemene koe, ā, 20 ngā uaua ki te kihi koe.
- 7.** E 5 rita te rahi o te toto e rērere haere ana i tō tinana i tēnei wā tonu.
- 8.** E kore e taea te matihe me ō whatu e huaki ana.



Ngā Hau e 4

Ata koia, e hoa!

Kua hangaia e Tonga
he waka uruwā ...

Kuuua tutuki i a au
te hanga waka uruwā!


Mmm ...

Me haere tātou ki hea, e Uru?

Te pakanga o ngā
atua maunga!

Pūnūnūnū! Pūnūnūnū! Pūiaaaa!






Ngā Whakautu

Mahi Ngahau – mai i wh. 6–7



Pāwhatiwhati – mai i wh. 8



TE TĀHUHU O TE MĀTAURANGA
MINISTRY OF EDUCATION

Te Kāwanatanga o Aotearoa

Tāiki E!

KAITUHI

Kristin Jerram (wh. 2, 4 & 5)
Migoto Eria (wh. 9)
Arihia McClutchie (wh. 10 & 11)

KAITĀ PIKITIA

123RF (cover & wh. 2 & 9)
Shutterstock (wh. 3 & 9)
Getty Images (wh. 3)
Scott Pearson (wh. 6 & 7)
Josh Morgan (wh. 8)

Mana tārua i tēnei tāngaiti © Te Tāhuhu o te Mātauranga 2020

Kua noho manatā tēnei moheni. Atu i ngā take penei i ngākoranga whāiao, te rangahau, te arotake me te arohaehae mahi e whakaaetia ana i raro i te Copyright Act, kore rawa e tukuna kia tāia anō tētahi wāhangā o ngā kōrero nei, ahakoa huarahi tā. Me mātua tono whakaaei ki te rōpū nāna i moheni i tā.

ISSN 2703-5069
Tāiki E! Tāngaiti 3, 2020



He mea whakaputa tēnei moheni mō
Te Tāhuhu o te Mātauranga e Huia
Pouaka Poutāpetā 12-280
Te Whanganui-a-Tara 6144
Aotearoa



Hei tautoko tēnei rauemi i
Te Marautanga o Aotearoa